



नेवा: राष्ट्रिय स्मे

च्वमि : दुर्गालाल श्रेष्ठ लय चिनामि : तिर्थ माली

धुन दने धुन सँन्ह्यलं भी फुककं हे छम्ह जुइ धुन
भीगु लागाय् भी स्वयं हे जः जुया धुन लुइ धुन
ह्यांगु भुमिइ अस्ट्रमण्डल ह्यांगु चाः दुने थी नगु
भीगु नेवा: ध्वांय् थ्व हे खः ज्यान भी सकस्या छ्यू
जातितय् स्वायत्त राज्यं लुइ कपं च्वय् फिलिमिलि
राष्ट्र भः भः धायक न्याके भीगु चः तिं भीगु हिं

धर्म परिवर्तनया खँय् विरोध मयायगु छाय् ?



राजेन्द्र कुमार पुरा

नकेगु, कोपुजा, म्हपुजा, खिचापुजा, नाग पुजा, सा पुजा आदि ला भीसं इपि द्यः धका: पुजायानातःगु हे मखु। व ला प्रकृति, वातावरण व प्राणी अथवा मनूतयुगु अन्तरसम्बन्धया छ्यू प्रतिक खः। प्रकृति मनूतयूत बियातःगु सुरक्षा व सुबिधा प्रति भीसं बियागु छ्यू सम्मानया उपज जक खः। उकिं थ्व गुरुं धर्मनाप स्वानाच्वंगु ज्या मखु। थ्व ला भीगु संस्कार खः, संस्कृति खः। उकिं धर्म व संस्कार संस्कृति धैगु बिलकुल अलग अलग खँ खः, व हे मखु। तर थन आमधारणा धा: सा अथे मदु। थन ला धर्म व संस्कार, संस्कृतियात स्वाका: स्वयगु चलन दु। धर्म पायवं धर्म परिवर्तन जुइवं थःगु संस्कृति नं पाकेगु चलन दु। थःगु संस्कार हे न हिलेगु चलन दु। वास्तवय् थ्व थ्व तसकं गलत खँ खः। गलत धारणा खः।

भी सकसिन खानाच्वना कि धर्म परिवर्तन याइपिन्सं धर्म परिवर्तनया नाप इमिगु संस्कार व संस्कृति नं हिलाछ्वई। हिलाच्वंगु दु। इमिगु धारणा कथं संस्कार व संस्कृति धैगु फुकक धर्म हे खः। तर धार्थे धायगु खः सा धर्म, संस्कार व संस्कृति अलग अलग खः। धर्म व संस्कार व संस्कृति व हे मखु। धर्म धैगु विश्वास खः, आशा खः। सिइधुका: स्वर्ग वने दइ धैगु विश्वासय् याइगु पुण्य ज्या हे धर्म खः। अथवा सिइधुका: मोक्ष प्राप्त जुइ धका: थःम्ह आशा यानातयाम्ह द्यः यात वा इश्वरयात आराधना, उपासना याइगु हे धर्म खः। नेपाली बृहत शब्दकोषया कथं 'ईश्वर वा सद्गीति प्राप्तीया निर्ति याइगु शास्त्रविहीन कर्म हे धर्म खः' धका: धर्मया परिभाषा बियातःगु दु। तर संस्कार, संस्कृति धैगु मनूतयुगु रहन-सहन व सभ्यता नाप स्वानाच्वनीगु पक्ष खः। नेपाली बृहत शब्दकोषया कथं 'हुं नं राष्ट्र वा जातिया सामाजिक जीवन, राजनीति, अर्थ व्यवस्था प्रतिविभित जुइगु व उकिया कलाकौशल, बौद्धिक विकास आदिइ प्रकट जुइगु सम्पूर्ण क्रियाकलापया परिष्कृत रूप हे संस्कृति खः' धयातःगु दु। अथे हे 'यक्व ई न्त्यःनिसें देशकाल सापेक्ष ज्याः आन्तरिक, वैचारिक व परम्परागत धारणाया रुण्य विकसित ज्यावःगु व आचारविचार, रहनसहन आदिया माध्यमं हुं नं राष्ट्र समाज, जाति आदिया स्वरूप खनेदेगु यावत मान्यता, भावना, चिन्तन-मनन, भौतिक अभिव्यक्तिनापया पुचः वा साधन हे संस्कृति खः' धयातःगु दु। थुकथं धर्म व संस्कृति धैगु विलकुल पा:गु खनेदु। अले धार्मिक आश्था पायवं थःगु संस्कार संस्कृति नं पाकेमा:गु जस्ती मदु।

छ्यू आस्था कथं द्यः पुजा यायगु धर्म खः। पुजा-आजा, उपासना, आराधना यायगु धर्म खः। पुजा-आजाया प्रसाद नयगु धर्मय् आस्था कथं जुयाच्वनी। द्यःयात सिन्हः तिका:, समय् बजि छाना: उकिया प्रसाद कथं स्वासिन्हः कायगु व समयबजि नयगु ज्या थःगु धार्मिक आस्था कथं याइ, थौंकया चलन कथं। तर भीगु समाज धार्मिक आस्था कथं जक सिन्हः तिइगु याइमखु। द्यः पुजा याना: जक सिन्हः तिइमखु। द्यः पुजा याना: प्रसाद कथं जक समयबजि वा भ्वय् नईमखु। नेवा: तय् नखः चखः आदि द्यःया नामं जक हनीगु मखु। ब्यांजा

क्रिश्चियन विश्वासीपिन्सं थःम्ह थः थ्व परिवर्तन याइगु भा:पियाच्वनीसा मेपिन्त नर्कय् वनीपं धका: आरोप बियाच्वनी। थ्व ला थःथःगु धार्मिक विश्वास व आश्थाया खँ जुल। तर जब छम्ह मेम्हसित धार्मिक विश्वासया व आश्थाया आधारय् शैतान वा अज्ञाःगु हे कथं आरोप प्रत्यारोप याई वा विरोध याई उकिं समुदाय दुने द्वन्द्व ब्लंकंकी। थन जुयाच्वंगु द्वन्द्या मूः कारण थ्व हे खः। नेपा: थज्याःगु बहुधार्मिक मुलुकय् थीथी धर्मय् आशा दुपिनिगु दथुइ धार्मिक सहिष्णुता ब्लंकंके सिबे नं थुकिं द्वन्द्यात प्रोत्साहित याइगु स्वाभाविक जुल। थ्व खँ क्रिश्चियन विश्वासीपिन्सं जक मखु मेपिन्सं नं बालाक हे महसुस याना: थःथःगु संयीमित जुइमाःगु खः। धार्मिक सम्प्रदाय दुने थ्व खँय् भच्चा अप्वः हे चिन्तन जुइमाःगु खः। तर अथे जुयाच्वंगु धा: सा मदु। थज्याःगु द्वन्द्या मानसिकता धर्मया अनुयायीतयुगु दथुइ जक मखु, धार्मिक नेरूत्व तहलय् हे दु। मात्रात्मक भिन्नताया सवाल जक खः। थ्व खँ क्रिश्चियन पाश्चरपिन्के नं दु, मेमेगु धर्मया गुरुबापिन्के दु। थ्व धैगु धर्मान्धता खः। थ्व तसकं गलत प्रवृत्ति जुल।

धर्म परिवर्तनया खँ वइबलय् अप्वः याना: आलोचना जुयाच्वनीगु मेमेगु पक्ष खः - प्रलोभन वा आश्वासन वा जबरजस्ती। थ्व अप्वःयाना: मेमेगु सम्प्रदाययापिन्त क्रिश्चियन धर्मय् परिवर्तित याइगु खँय् केन्द्रित जुयाः विश्वास खँ जुयाच्वंगु दु। वर्तमान सम्बिधानय् नं प्रलोभन क्याना:, जबर जस्ती धर्म परिवर्तन याकेगु दण्डनीय धयातःगु दु। आस्था परिवर्तन स्वइच्छां याय् दइ, तर प्रलोभन क्याना: धर्म परिवर्तन याकेगु सीधाधानतः वर्जित खः। थज्याःगु ज्याखँया विरोध थन जुइ हे मा:। थ्व सीधाधानतः दण्डनीय जक मखु निन्दनीय नं खः। थुकिं सामाजिक सद्भाव व धार्मिक सहिष्णुताय् नकारात्मक असर लाकी।

मेमेगु खँ, हुं नं धर्मय् वना: विश्वास याइगु धैगु सिइधुका: मोक्ष प्राप्त यायगु वा स्वर्गय् वनेदइ धका: खः। थ्व छ्यू धार्मिक विश्वासया खँ जुल। सिइधुका: स्वर्गय् वनेदइगु विश्वास इना: यावानाच्वनागु इलय् थःगु विश्वासय् मवःपिन्त 'शैतान' धका: आरोप बिझु नं पायूषि खँ मखु। लौकिक संसारयात शुन्दर यायगु खँ त्वःताः स्वर्गया लोभ क्याना: वर्तमानयात नर्क यायगु धैगु तसकं हास्यास्पद नापनाप बामलाःगु पक्ष जुल।

च्वय् हे धायूधुन, धर्म धैगु छ्यू आस्था खः मेमेगु विचार वा आस्था थें थ्व परिवर्तन यायफु, यायफू, यायदइ। तर धर्म नापनाप थःगु म्हसीका तंका छ्यायगु बिलकुल गलत खः। थःगु पहिचान थःगु म्हसीका आस्थाय् वा धर्मय् मखु थःगु संस्कार संस्कृतिइ दयाच्वनी। गुगु हुयाछ्वल कि थःगु म्हसीका तंनी मनू न थुखे लाइ न उखे लाइ। अथे हे थःहे जक सही मेपिंत 'शैतान' धायगु व प्रलोभनय् लाका: धर्म परिवर्तन यायूत वाय्य याइगु थ्व प्रवृत्ति न्व्याम्हसिन्त यानाच्वंगु खःसां व नीन्दनीय खः। थज्याःगु ज्यायात दुर्लाल याकेत सकसिन कुतः व भूमिका मिते हे मा:। थुकिया विरोध यायू हे मा:।

सम्पादकीय



नीतिया खँ सकसितं लागु जुइ

नेपालय् पार्टी ब्वदलीगु छुं न्हूगु व तःधंगु खँ मख्याद्युधुकल। आ: सरकारया नेरूत्व यानाच्वंगु नेपाली काँग्रेसया सम्पादकीय सभापति शेर बहादुर देउवां छ्यू इलय् पार्टी नेरूत्वप्रति असन्तुष्टि क्याना: नेपाली काँग्रेस (प्रजातान्त्रिक) गठन यानाच्वंगु खः। लिपा हानं व्यक्तः क्याना: काँग्रेसया लागु लागु जुइ। लिपा हानं व्यक्तः क्याना: काँग्रेसया लागु लागु जुइ। जनता समाजवादी पार्टी (जसपा) या खँ ल्हायूबलय् थुकी आ: मूलरूपं स्वंगु पार्टी बायावंपि नेतात नेरूत्वय् दु। माओवादी पिहावंःम्ह उपेन्द्र यादवं मधेसी जनअधिकार फोरम नामं पार्टी न्व्याकल। नेकपा एमाले बायावःपिं अशोक राई, राजेन्द्र श्रेष्ठ लगायतया नेतातयसं संघीय समाजवादी पार्टी नेपाल गठन यात। नेकपा माओवादी (केन्द्र) अध्यक्ष पुष्पकमल दाहाललिसे असन्तुष्ट ज्याः पूर्व प्रधानमन्त्री बाबुराम भट्टराई नयां शक्ति नामं पार्टी द्वयकल। थ्व हे स्वंगु पार्टी एकिकरण ज्याः समाजवादी पार्टी नेपाल द्वयकूगु खः। मधेसवादी दलत एकिकरण ज्याः द्वयकूगु राष्ट्रिय जनता पार्टी (राजपा) लिसे एकिकरण धुकांका: व हे समाजवादी पार्टी नेपाल जनता समाजवादी पार्टी (जसपा) जूगु खः।

आ: स्वयादिस, थुलि जक खँ ल्हायूबलय् छु छु पार्टी व्यक्तः क्याना: ब्वदल, व्यक्तः क्याना: एकिकरण ज्याल अले व्यक्तः क्याना: दुवालेमा:गु आवश्यकता खनेदु। नेपालय् नेतात छाय् छधी छप्प जुइमखु, व छाय् खः। धुवांधू पार्टी दुक्रा जुयाच्वनी, एकिकरण जुयाच्वनी अले हानं एकिकरण जूगु पार्टी दुक्रा जुइ। छाय् थथे जुयाच्वन। थ्व छ्यू गम्भीर विषय खः। देशया नेरूत्व थ्व हे पार्टी अले पार्टीया नेतातयसं यानाच्वंगु दु। देशया भाला कुबियाच्वंगु पार्टी व नेतात थुकथं पार्टी दुनेया विवादय् न्व्याकलं तक्यनाच्वनेगु खःसा उकिया लिच्चः देय् वा देशवासीतयसं फ्यामालाच्वनी। गुगु आ: भीसं भोगे हे यानाच्वनागु दु।

आ: थथे जुइकेमबीत थुगु समस्याया कारण नं मालेमा:। थथे जूगु नेतातयगु कारणं स्वयां कार्यकर्तातयसं सिद्धान्तयात, विचारयात ल्ह्यगु खनेमदु। मात्र व्यक्तियात लिनाच्वन। थनथाय् नेकपा (एमाले) पार्टी व थुगु पार्टीया अध्यक्ष ओलीया दसु काय्। नेकपा (एमाले) या खँ ल्हायूबलय् थन ओलीया जक खँ व्याच्वंगु दु। ओलीया समर्थनय् ब्यांय् जुयाच्वीपि कार्यकर्तातयके पार्टीया सिद्धान्त व विचार छु खः। धका: न्यन धा:सा शायद हे लिसः वइ। ओलीया तक्यनाच्वनेगु खःसा उकिया लिच्चः देय् वा देशवासीतयसं फ्यामालाच्वनी। ओलीयाके अहंकार वा दम्भ अप्वःगु धइगु खःसा व कार्यकर्तातयगु थज्याःगु हे व्यवहारं खः। मेमेगु पार्टी दुने नं थथे हे जुयाच्वंगु खः। नेतायात देवत्वकरण यायगु व्यक्तिया ल्हूल्यू जुइगु ज्या गबलेतकक? व्यक्तियात लीगु त्वःता सिद्धान्त व विचारयात लीगु गबले?

ਗੁੰਲਾ ਨਖ਼:ਧਾ ਮਹਤਵ ਵ ਮਹਿਮਾ



प्रेम मान डंगोल

दँयू दंस आवण शुक्ल प्रतिपदा
निसे भदौ शुक्ल प्रतिपदा तक लच्छ
यकं स्वनिगःया नेवा: तयेस गुँला
नखः हनिइगु याडा उगु इलय् स्वयम्भू
महाचैत्ययु तःजिक मेला जुडा उगु इलय्
स्वयम्भू व वया जःखः चाःहिलकि
पारिवारिक सुख, शान्ति व समृद्धि दइ
धका धार्मिक विश्वास दु स्वनिगःया
दक्को बौद्धमार्गी नेवा: समदायपि
थःथःगु त्वालय् च्यंगु विभा: चाःहिला
गुँला हनिइगु याडा थ्व नखः लच्छयकं
हनिइगु याइयो पर्व एक महिनासम्म
मनाइन्द्य

बौद्ध धर्मावलम्बीपिन्स गुंलाया
 इलयू न्हिन्हि सुथयू न्हापां बाजं थानां
 स्वयम्भू महाचैत्यय् नापं बौद्ध विहार,
 बहा: चा:हिलेगु याना गुँला हइशुगु याइ
 भक्तजनपि स्वयम्भू महाचैत्यया दर्शन
 याये धुका शोभा भगवर्ति, विजयश्वरी,
 जन्माद्यःया:गु दर्शन यासे थीथी बौद्ध
 विहार बहा: चा:हिला थःगु छँयू
 लिहावनेगु याइ लंयू परिकं गुँला बाजं
 थाना मनूत थीथी बहा: व थीथी थायू
 चा:हिला गुँला नखः हनिशुगु याइ

विशेष याना
नेवा: समुदायया बौद्ध
धर्मावलर्चवीपिन्स श्रुंगभेरी
अथे धइगु सिंगया बाजं पूया
स्वयरभू महाचैत्य प्रदक्षिणा
यायेगु याइ । मदुपिनिगु
आत्माय शान्ति जुइमा:,
सुखावती भुवनय बास
जुइमा धइगु कामना
यासे थः पिनिगु जहान
परिवारपिन्स मेया सिंग
या:गु बाजं थानां स्वयरभूइ
चाहिलेगु याइ । गुंला लटिछ
यकं बौद्ध स्तोत्र, धारणी,
नाम संगीती व सद्धर्म
ग्रन्थ पाठ यायेगु याइ ।

थुगु नखः हनिङ्गु याइ वलये छ्यु
 कथं न्हिङ्पुसे च्वनिङ्गु याइ गुंलायकं
 स्वयम्भू महाचैत्यय् तसकं हुल जुडा
 अफ न थुगु इलये ज्ञानमाला भजन
 न्यनिङ्गु उति हे न्हिङ्पुसे च्वनिङ्गु याइ

थुगु गुल्ता इलयू लच्छ व्रत च्वना
न्हि छकः न्हि न्हि स्वयम्भू महाचैत्ययू
पूजा यायेगु श्रद्धालु भक्तजनपिणिगु
हुलयू जुडा अथेहे सुना सुना न्या, ला,
अयूला व थ्व नयेगु त्वतिइगु याडा

मतिना दइ, उकिङ आःवनिसे छे सूयागु
न मचा खुँया नयेमते अःखःत उमित
मतिना याना रक्षा यायेमाःगु बचं कया
जक भगवान बुद्ध हारती अजिमायात
तसकं यःपि खुम्ह मचा जक लित

गुलायकं स्वयमभू महाचैत्य
नापं हारती अजिमाया थाय् न नेवा:
तयेसं विशेष कर्थं छायेकेगु (विशेष
पूजा) न यायेगु याइ थुगु सम्बन्धय्
छू आख्यान कर्थं प्राचीनकालय्
हारती अजिमा थः १०८ म्ह मचापि
लहिङ्ग मनूया मस्त खुया नयेगु याइ
बिया मेपि मस्तयेत अजिमा द्यः न्यने
च्वंगु मण्डलय् त्वपूना बिज्यागु खः।
उगु इलये निसे अजिमा द्यःया विशेष
पूजा यायेगु इलय् १०८ म्ह मस्तय् न
नकिङ्ग कथीपने च्वंगु मण्डलय् न पूजा
यायेगु याइ हारती अजिमा द्यःया पूजा
यायेगु इलय् मन्यु तःगु इच्छा पूरा जुग्गु



तपि मस्तया मां अबुपि खवया खवया
न्यासि वनाच्वंगु स्वया स्वये मफुया
बुद्ध भगवानं हारती अजिमाया दक्को

व मस्त न रक्षा जुझगु जनविश्वास दु

स्वयम्भू पुराणया कर्थं
प्राचीनकालय् स्वनिगः छगु तथःगु
पूखु कर्थं दुगु इलय् विपस्वी नांया
बुद्ध वया पलेस्वां पिया वंगु जुयाच्वना
वहे पलेस्वां हवया वहे पलेस्वा च्वय्
धर्मधातु ज्योतिया कर्थं स्वयम्भू उत्पत्ति
जग धका धायेगा याइ । व हे स्वयम्भू



ज्योति उत्पति जुया दर्शन यायेत महा
 चीन पाखे थः निम्ह जहानपि वरदा व
 मोक्षदा नार्पं ज्वना वंम्ह महा मञ्जुश्रीं
 दकलयू न्हार्पा स्वयम्भूया ज्याति
 या:गु दर्शन यायेगु भूवलयू निपा ल्हा:
 जोडेयाना ॐ मणि पद्मे हुँ धका मन्त्र
 वंगु धका धायेगु याइ वया लिपा
 महा मञ्जुश्रीं चोभारया जवं खवं
 च्चंगु पहाड्यू छखे वरदा व मेखेपाखे
 मोक्षदायात तया थःगु खड्गां चोभारया
 पहाड न्हासिकापयू प्रहार यासे पूखु
 जुयाचंगु दक्को लः पित छव्यं

मञ्जश्रीपतन नांया बस्ती दयूगु खः।
लिपा वरदायात तयातःगु पहाड
फुल्चोकी व मोक्षदायात तयातःगु
पहाड चम्पादेवीया नामं प्रख्यात ज्यू
धका धारेयु याइ।

धर्मधातु रूपी स्वयम्भूया
ज्यातियात त्वपूना महायान धर्म गुरु
शान्ति कराचार्य स्वयम्भू महाचैत्य
निर्माण याःगुरुः। उगु इलय निसे चिभा
पूजा यायेगु परम्पराया नार्प चिभायात
चाःहिलेगु याना गुँला न्याकेगु याना
च्वंगु धका धाइ।

विशेष याना नेवा: समुदायया
बौद्ध धर्मावलम्बीपिन्स श्रृंगभेरी अथे
धिङु सिंगया बाजं पूया स्वयम्भू
महाचैत्य प्रदक्षिणा यायेगु याइ
मुदुपिन्गु आत्माय शान्ति जुइमा:,
सुखावती भुवनय् बास जुइमा धिङु
कामना यासे थःपीनिंगु जहान
परिवारपिन्स मेया सिंग याःगु बाजं
थानां स्वयम्भू चाहिलेगु याइ गुला
लच्छ यकं बौद्ध स्तोत्र, धारणी, नाम
संगीती व सद्धर्म ग्रन्थ पाठ यायेगु
याइ।

गुलाया इलयू नागपञ्चमी, यल,
यैं व खवपयू पञ्चदान जनै पूऱ्ही,
कर्वन्ति महाद्यःया थायू, सिलुइ मेला,
साया जात्रा, यलयू मतया: जात्रा,
देवपतनयू खडग जात्रा व रोपाई जात्रा,

श्रीकृष्णाष्टमी, अबुया रुवा स्वयेगु नारं
यकको नखः चखः गुलाया इलय् यकको
जात्रा जुयाच्वंगु दु।

गुलाया इलयू साउन महिनाया
सोमवारः महाद्यःया मेला न जुझुर्लि
तसकं महत्वपूर्ण कथं कायेगु याइ।

थुग इलय् सिद्धर्था गौतम
बोधिसत्त्व ज्ञान नार्पं बुद्धत्व प्राप्त न
या:गु खः। थथे थीथी विशेषतां जा:गु
गुंलाया महत्व व विशेषतां याना नेवा:
तयेगु धर्म, संस्कृति व परम्पराया धरोहर
तसकं च्वन्ह्याना च्वंगु दु।





वरिष्ठ संगीतकारीलाई गायक गोविन्द ह्यूमतया याकः सनिल किपूया कीर्तिपुरा सिनेप्लेक्सय् भाद्र ११ गते सोमवारः तः जिक क्वचाल । विजयलाल डंगोलया ग्वसा: व व्यवस्थापनय् जूगु ज्याइवलय् म्येहालामि ह्यूमतं १५ पु म्ये न्यंकूगु खः । गुकी मध्ये प्यपु ज्वः म्येय् मेलोडी क्वीन दीपा महर्जन व रत्नशोभा महर्जनं साथ बियादीगु खः ।

ज्याइवलय् श्रीजल महर्जनं सारंगी व उर्मिला महर्जन व अलोयना डंगोलं बज्योग्निनी चर्या प्याखं न्ह्यब्बःगु खः । उगु ज्याइवलय् दिनेशराज रेणी, प्रबेश महर्जन, अर्बिक शाही, अजय नेपाली, सन्देश अधिकारी, किशोर तामाङ्गीपिसं बाजं थाना: ग्वाहालि यानादिउगु खः । ज्याइवः शुभिच्छा शाक्यां न्ह्याकादीगु खः ।



पठनारत्न महर्जन

पञ्च स्यंका: छँ दने मज्यू

छँ धयागु च्वनेगु थाय् खः। नय् त्वने देने सकतां थन हे च्वनाः याइ। लः फय् निभाः आदिं सुरक्षित जुइक च्वनेगु न थन हे याइ। छँ मदय्की पिन्त म्हालिकायचा धायगु याइ। थः न छँ मदय्कीमह करपिनिगु छँ न स्यंकीमेसित माकः तकं धायगु याइ।

छँ दय्की बलय् जीमिनय् दय्कीगु खः। जीमिनय् छु न पिनातःगु दःसा चीका: खालि याना: दय्की। अथे छु पिनातःथाय् खालियाना: दय् कूसां पं पिनातःथाय् पंब्ब खालियाना: छँ दय्के मज्यू धयागु सामाजिक मुल्य मान्यता दु।

पंब्ब पिनातःगु थासय् लाखय् लसिंतस्यं बास याना च्वनी धयागु बिश्वास जनमानसय् न्यना च्वांगु दु। थज्याः थाय् नागतस्यं न बास यानाच्वनी धयागु धारणा दु। उके पञ्च स्यंका: छँ दय्के बलय् चानय् लाखय् लसिंतस्यं थीथी कथया सः वय्का: ख्याः वय् यः धाइगु मानसिकता दु। जग तय् बलय् नागया महय् लात धायव नाग मू पुली बलय् सनाः छँ धे चुला वनीगु व तसकं सनी बलय् दुने न यः धयागु धारणा दु।

छँ धयागु छकः पतिं दय्के फइ मखु। बुईं पिवा: च्वनेत दय्कागु बलचा थें दछी छकः दय्केगु जुइमखु। छकः दय्कागु छँ दैँदं तक जक मखु पुस्ता पुस्ता तक न तुइके मा:। उके छँ दय्के बलय् बालाक बिचा: याना: बल्लाक दय्के मा:।

छँ दय्केगु ज्या थाकुगु कथं कयातःगु दु। अथे जुयाः न्हापा न्हापा छँ दय्के मलंम्ह मिजं मचा बुइके मलंम्ह मिसा अथे हे खः धका: भीगु सामाजिक बोलि चाली धायगु याः।

छु न बनस्पतिया हां चा छ्वासुका यंकी। थव स्वभाविक प्रकृत्या खः। अथे जुयाः पं पिनातःथाय् थासय् नं पंया हां याना: चा छ्वासुकी। पंया हा ततःपु व ततःहाकः नापं जुइगुलीं थीकिं चा जक छ्वासुकीगु मरु थज्याः थाय् गः दय्का: च्वनीपिं जीबत छु नवःचा, ताहा, आदिं थःपिनिगु गः नं दय्काताइ। न्हूगु च्वः वइगु पंया हा क्यातुसे चाकुसे च्वनीगुलिं इमित नसानापं अन हे दइ। छ्वासुया च्वांगु चाय् महुया: थज्याः पिं जीबतस्यं गः दय्की बलय् थज्याः थाय् चा भन हे छ्वासुइ।

पैथय् दैँय् दसं न्हूगु च्वः वइ। न्हूगु च्वः वःतिसे हा न न्हूगु



जायावइ। न्हूगु हा जाया वःलिसे

पुलांगु चनावनी। थथे चनावंगु हा चानाप ल्वाकज्याइ। चनाः ध्वगिनावंगु बनस्पति चाय् ल्वाकज्यात धायव सुपरफोस धयागु तत्व बिकास जुयाः छाःगु चानाप छ्वासुया वनी।

छँ दय्केत क्वातुगु चाय् जग दिकेमा:। पं पिनातःथाय् पंया हां न्ह्याय् दुथाय् तकया चा छ्वासुकाताइ। भचा भचा जक म्हयां छाःगु चाय् थ्यनी मखु। उबलय् आः थें न्हू न्हूगु बिकसित ज्याबःत मदु। दक्वं ज्या मनुखं हे याय् मा:। पंब्बय् पंया हां न्ह्याय् दक्व चा लिकया जग तयगु याय् मफु। चा पिचिंकेत न आः थें ज्याःगु साधन श्रोत मदु। अथे जुइ बलय् छ्वासुगु चा दक्वं लिकया:

जग तइमखु। थीकिं याना: छँ जाय्

धुंका: चा पिचिनावालिसे छँ क्वतुना

वनी। थज्याः बलय् काताकुतु सः

वइ। न्हिनय् वइ बलय् ताय् मदुसां

चानय् वइ बलय् तायदइ। थज्याःगु

सः यात लाखय् लसिं वःगु व भूत प्रेत

दंगु धाइगु खः। यक्व क्वचिनाः छँ हे

धेचुल बाय् दुन धायव नागया महय् जग

लात व मू पूगु धाइगु खः। बालाक

ल्हानामतःगु कँगाःया द्यःने दय्कातःगु

छँ भव्या ब्वः बलय् क्वतुना वंगु नं

थथे हे तःलय्या चा क्वातु मज्युः

खः। तर थौं थज्याःगु परिस्थिति मदय्

धुंकल। पंब्बय् जक मखु पुखुली

छँ दने मा:सां माःमागु साधन श्रोत दय्

धुंकल। छ्वासुगु चा दक्वं लिकया:

क्वातुगु चाय् जग दिके फय् धुंकल।

लः यक्व वइथाय् नं लः यच्चुक

लिकया: जग तय् फय् धुंकल। न्हापा

न्हापा थथे याय् मफुगुलिं पंब्ब स्यंका:

छ्वासुगु चाय् दिका: छँ दनी धका: व

दनागु छँ सितिं वनी धका: पंब्ब स्यंका:

छँ दने मत्यः धयातःगु खः।

पं धयागु अच्यः याना: बालि

नालि याय् मछिंथाय् ध्याकवय धिकवय,

धः सिथय् व खुसि सिथय् पीगु याइ।

अभक्ला मनूत काचाक्क सुनं मवनीथाय्

जक नं पीगु याइ। छँ दय्केगु धयागु

मछिंथाय् व सुं मवनी थाय् दय्कां छँया

शोभा दइमखु। खर्च यानागु दां व

मिहेनतया फल तकं लुधंक वइ मरु।

अथे जुयाः नं पंब्बय् छँ दय्के मत्यः

धयातःगु खः।

Sweet Cave

(जीवन दाईया पसः)

Kalimati, Kathmandu, Nepal

Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस्।

आउटडोर भेज क्याटरिङ पनि गरिन्छ।

Binod Maharjan
9841369552, 9808644666

B. Arts

Nayabazar, Kirtipur

4335491, barts4335491@hotmail.com

* Banner, Flex Board
* Glow Sign Board
* Sticker Cutting / Printing
* Screen/ Rubber Print
* Self-ink/ Rubber Stamp
* PVC(ID) Visiting Card
& all kinds of press works

असंया क्वथुननि संरक्षण यायत माग



ऐतिहासिक व पुरातात्त्विक महत्व जाःगु असंया क्वथुननि संरक्षण यायमाःगु मुगासे भूमि व्यवस्था लिसे सहकारी मन्त्री रन्जित श्रेष्ठ चौधरीया ज्ञापन पौ लःल्हाःगु दु। असं क्वथुननि बचाउ अभियान मन्त्री श्रेष्ठयात

सम्बन्धित थासयु निरीक्षण याके धुके ज्ञापन पौ लःल्हाःगु खः। अभियान लःल्हाःगु उगु ज्ञापन पौ क्यादिसे मन्त्री श्रेष्ठ क्वथुननिया विषय थःगु ध्यानाकर्षण जूगु दु थुगु विषय सत्यतथ्य थुइका ज्या न्ह्याकेगु भलसा बियादीगु

खः। क्वथुननिइ न्यासः दँ पुलांगु अमिताभ बुद्ध द्यः नाप मेमेगु न यक्को हे पुलांगु पुरातात्त्विक महत्वया सामग्री दु। उगु थायू अशोक वृक्ष बिहारया नामं न म्हसिङ्गु या:। 'मौलिक सम्पदाया गुठीयारपिनिगु प्रभावय् लाकां छुट गुठीया नामय् निजी रैकर उल्लेख याना नक्कली पूर्जा दय्यकूगु खः।

तिपागु इलय् अस्थिर राजनीतियात फाइदा क्या उगु थासयाःगु मौलिकता स्यकां व्यावसायिक भवन दय्यकेगु योजना दय्य कूगु दु।' अभियानया नमस्ते सायिम धाःगु दु। वायु देवता गुठी उल्लेख याना ८ आना २ पैसा जगाय् छैं दय्यका तःगु खः।

लुम्बिनी वि.वि.या उपकुलपतिइ प्रा.डा. सुवर्णलाल बज्राचार्य



लुम्बिनी बौद्ध विश्वविद्यालयया उपकुलपतिइ प्रा. डा सुवर्णलाल बज्राचार्य नियुक्त याःगु दु।

सिफारिस समितिइ याःगु सिफारिसया आधारय् विश्वविद्यालयया कुलपति लिसे प्रधानमन्त्री पुष्पकमल दाहाल 'प्रचण्ड' थौं बुधवाः व्यक्तःयात नियुक्त याःगु खः।

उगु पद बंगु खुला न्ह्यः निसे खालि जुयाच्चंगु खः।

प्रा.डा. बज्राचार्य त्रिभुवन विश्वविद्यालयाखे अवकाश काय् धुकूह्य प्राध्यापक न खः।

प्रा.डा. सुवर्णलाल बज्राचार्य बज्राचार्य व्यक्तिया सल्लाहकार न जुयादी।

मस्तनाप मां भासं खँल्हानादिसँ धासे स्वयम्भुइ प्लेकार्ड प्रदर्शन

नेवा: मिसा घ्वहालि पुचः यैं महानगरपालिका १३ वडा व १५ वडाया घ्वसालय् थौं स्वयम्भुइ थः मस्तनाप मां भासं खँल्हानादी धइगु नारा तथा प्लेकार्ड प्रदर्शन ज्वना तःगुलि भीगु आदिभुमि यैं देय्यात नेवा: सास्कृतिक स्वायत्त क्षेत्र दय्यके नु, भी नेवा: जुयागुया गौरव तायेके, नेवा: नेवा: छधी छपै ज्येने नारा ज्वना बिष्णु चित्रकार, गोर्की श्रेष्ठ, बिद्या चित्रकार, चेतना श्रेष्ठ, लोकह्वाम्ह गायिका रोजी श्रेष्ठ डंगोल श्रेष्ठपि लगायतपि ब्बति काःगु खः।



सक्वय् बमनू प्याखं क्यन



गुँ पुन्हिया लसताय् ४ न्हु कुन्हु (१७ गते) सक्वय् बमनू प्याखं क्यन। गननं मदुगु सक्वय् जक क्यनीगु बैंमनू प्याखं वंगु १७ गते आइतवा: कुन्हु पिहाँ वःगु खः।

न्हापा न्हपा भुतु च्याकेत सि मदयकं मगा वहे मि च्याकेया निती सक्वया सक्वमिर्पि (गुँइ) बनेय् वना सि का वंगु जुया त्वन न्ह्याब्ले थ्यं

सि का वंगु इवलेय् व बनेय् च्वापु गु च्वांम्हः मनु छाहेसिनं सि कावर्पिन्त ख्याना हयेगु याना च्वन।

अथे सि कावर्पिन्त ख्याना हगुरी सक्वे च्वांपि मनुत मुना व बनेय् च्वांम्हः मनुयात ज्वना सक्वे हःगु जुया च्वनाव मनुयात ज्वना हया दय् फक्व दायाँ खिपत चिना तल अथे दाउ सह याये मफया व मजुनं छेमा फवना आवालि

जिं गुबलेनं थःथे मनुपिन्त ख्याय् मदु धका बचं बिल।

वहे बचं बिगुलिं सक्वया जनता छेमा ब्युसें व बनेय् च्वांम्हः मनुयात सक्वे च्वांपि सक्सिनं म्हःसिके कथं खिप म्हेय् चिना सक्व दे: चा हुकु धैगु जन बिस्वास दु।

थुगुहे न्हि कथं गुँपुन्हियाल४ न्हु कुन्हु थुम्हः हे बनेय् च्वांम्हः मनुया पलेसा सक्वे ८ गु त्वा: लं ब्यागलं ब्यागलं बमनु प्याखं पित हैगु चलन दुथःथे बमनु प्याखं पित हेत बमनु जुम्हः मनुनं लं मप्युसे म्हःछम्हः कपाय् तिना म्हुतुइ ट्यांगु काप तथा मे पिकना वडुगु ख।

बमनुया म्हे खिपत चिना २ म्हः सिनं खिप ज्वना सातु साला वनिसा न्ह्यःने न्ह्यःने मस्तयसं बमनले मकै स्य: खाला धका हाय्का वानिगु खः।

बरिष्ठ पत्रकार हिरण्यलाल श्रेष्ठ डिस्चार्ज



परराष्ट्रबिद नाप बरिष्ठ पत्रकार हिरण्यलाल श्रेष्ठ डिस्चार्ज जुयादीगु दु निवा: न्ह्यः जँयू नसा च्यापे जुया अस्पतालय् भर्ना जूयादीगु खः। जँयू नसा च्यापे जुगुलि व्यक्तःयात यैया स्वयम्भुइ च्वंगु मनमोहन मेमोरियल मेडिकल कलेज लिसे शिक्षण अस्पतालय् वासः यायेगु निति भर्ना जुयादीगु खः।

व्यक्तःया काय् नाप मनमोहन मेमोरियल मेडिकल कलेज लिसे शिक्षण अस्पतालया

प्रवन्ध निर्देशक डा. मुजः श्रेष्ठ लहनान्युजयात जानकारी बिगु कथं बरिष्ठ पत्रकार हिरण्यलाल श्रेष्ठ याःगु डा. गौरव ढकाल व डा. निराजन सुवेदीया पुचलं सफलता पुर्वक अप्रेशन यानादीगु खः धका ध्यादीगु दु।

सिंहदरबारय् ...

मेयर खः। साह न च्वयगु इलय् यक्को बिचा: यायमाः। नाप गू गु कथंया हिंसायात लोकतान्त्रिक समाजय् स्वीकार यायू फइमखु।'

अथेहे पूर्वमन्त्री लोकेन्द्र विष्टमगरं बालेनयात न्ह्यसः यासे फेसबुक्य च्वंगु दु, मेयर साप! शनिवा:

सवार सरकारी गाडी ट्राफिकं रोके याः वलय् सिंहदरबारय् मि च्याकेगु व सरकार रुँगुकर्थं व गययाना?'

मेयर बालेन शाहया निजी सचिवालयपाखे बिज्ञप्ती

यैं महानगरपालिकाया मेयर बालेन शाहया निजी सचिवालयं सुक्लेरी अवस्थाय् दुम्ह मेयर पत्ती सचिवाना काफ्सेनेयात प्रहरी चेकजाँचया नामय् म्वा: मदुगु केरकार याःगु धका धाःगु दु।

शनिवा: चान्ह्यः फेसबुक्य महानगरपालिकाया गाडी रोके याःगुलि सिंहदरबारय् मि तयाबिइ धका चेतावनी बिःगु खः। साह न महानगरया गाडी सू नां व छायू रोके याःगु धका धाःगु मदु।

उत्तेजक अभिव्यक्ति बिःगु धासे बालेनया सार्वजनिक आलोचना जुइवं आइतवा साहया सचिवालयं विज्ञप्ति जारी याःगु खः।

बालेनया स्वकीय सचिवालयया कथं बालेनया मचा (मेडिसिटी अस्पताल) एनआईसीयूलय् वासः याना च्वंगु दु। शनिवा: बहनि बालेनया जहान सचिवाना स्वास्थ्यय् जटिलता खने दुगुलि बालेन गझु महानगरया गाडीइ अस्पताल वंगु खः। थःगु स्वास्थ्य परीक्षण यायू व मचायात दुरु त्वंका छैं लिहावनेगु भूवलय् गाडीयात कोटेश्वरय् चेकजाँच यायू च्वना च्वपि ट्राफिक प्रहरीपिन्स रोके याःगु खः। उगु भूवलय् प्रहरी दुर्व्यवहार याःगु धासे बालेनया स्वकीय सचिवालयया कथं बालेनया मचा (मेडिसिटी अस्पताल) एनआईसीयूलय् वासः याना च्वंगु दु। लिपागु इलय् बालागु मनसायापाखे सम्पादन जुगु सरकारी ज्या व अज्यागु ज्यायू खेटे जूपि राष्ट्रसेवकपिन्त निरुत्साहित यायेगु कथं सामाजिक सञ्जालय् व्यक्त जूगु अभिव्यक्ति थुगु कार्यालयया गम्भीर ध्यानाकर्षण जूगु दु।

अथेहे थःगु पदीय जिमेवारी व कर्तव्य पालना याइपि राष्ट्रसेवक कर्मचारीपिन्स कर्तव्य पालना यायेगु लागि पांगः मथ्यनेतव थीथी सामाजिक सञ्जालय् यःथे वक्तव्यबाजी मयायेत धाःगु दु। विज्ञप्तिइ धाःगु दु, लिपागु इलय् बालागु मनसायापाखे सम्पादन जुगु सरकारी ज्या व अज्यागु ज्यायू खेटे जूपि राष्ट्रसेवकपिन्त निरुत्साहित यायेगु कथं सामाजिक सञ्जालय् व्यक्त जूगु अभिव्यक्ति थुगु कार्यालयया गम्भीर ध्यानाकर्षण जूगु दु।

अथेहे थःगु पदीय जिमेवारी व कर्तव्य पालना याइपि राष्ट्रसेवक कर्मचारीपिन्स कर्तव्य पालना यायेगु लागि पांगः मथ्यनेतव थीथी सामाजिक सञ्जालय् यःथे वक्तव्यबाजी मयायेगु / मयाकेत सम्बन्धित सकसित इनाप यानाच्वना।

हरेक मंगलवार
राष्ट्रियताको लागि समर्पित

मेरो साप्ताहिक
मना सामाजिक



Mero Saptahik
माला: माला: ब्वनादिसँ।

ज्यापु समाजया ग्वसालय् ब्याडमिन्टन कासा जुइगु



ज्यापु समाज यलया ग्वसालय् न्हापांगु काजीलाल स्मृति ब्याडमिन्टन कासा याइगु जूगु दु। समाजया संस्थापक नायःया लुमान्तिइ यलया ४० त्वा: व बहावीया कासामिपिसं ब्वति काय् खनीगु व प्यांगु पुचलय् धेंधेबल्ला याकीगु जूगु दु। श्रम तथा युवा विभाग अतर्गतीया युवा तथा खेलकुद उपसमितिया संयोजक बाबुराजा


महर्जन प्रतियोगिता ज्यापु समाज ग्वसाःयःगु जूसां यलया फुक्क त्वा:, बहाबही व ननीइ नं पत्राचार यानागु व न्ह्याम्हेसिनं नं ब्वति काइगु जूगु दु। थ्वहे भाद्र २० गते ज्यापु समाज यलय् मुनाः च्याली जुइगु व बालकुमारीइ च्वांगु रिमिक्स ब्याडमिन्टन क्लबय् प्यान्तुक जुइ। रेफी अनुप रत्न शाक्यं थ्यमथ्यं २०० निसे २५० म्हेसिया

ब्वति दिगु अनुमान यानातःगु दु।

धेंधेबल्लाया उलेज्या यलया मेयर चिरीबाबु महर्जन व समापन ज्याइवलय् सांसद रामकृष्ण चित्रकार मूपाहाँकर्थ भायादीगु जूगु दु।

थुगु धेंधेबल्ला: दाँयदसं न्ह्याकेगु निर्ति स्व. काजिलाल अवालेया छेँजःपिसं १० लाखया अक्षयकोष तयगु प्रतिबद्धता प्वंकुगु व थुकियात अभ अच्युका यकेगु तातुगा दुगु कर्ज बाबुराजा ज्यापुं कनादीगु दु। ज्याइवलय् कवःया ल्यूक्जिज बुद्धरत्न डंगोलं लसकुस यानादीगु खःसा युवा तथा श्रम विभागया प्रमुख लिसें न्वकु किरण डंगोलया सभापतिव्य जूगु खः। ज्याइवः छ्याङ्जे सरिता महर्जन न्ह्याकुगु खः।

ताम्रकारया अध्यक्ष पद्य् उम्मेदवारी



रविन्द्रराज ताप्रकारं यल उद्योग वाणिज्य संघ्य अध्यक्ष पद्य् उम्मेदवारी बीगु जूगु दु। यल उद्योग वाणिज्य संघं वि.सं. २०५१ सालय् दुजः जुसां निसें थीथी पद्य् च्वना: ज्या याना वयाच्वनादीम्ह व्यक्तः अजरमान जोशीया नेतृत्वय दुगु कार्यसमितिया प्रथम उपाध्यक्ष व सविन श्रेष्ठया नेतृत्वय जूगु कार्यसमितिइ वरिष्ठ उपाध्यक्ष जुयादीधुक्मह खः।

व्यक्तःया पुस्तौपुस्तानिसें

सिजः, लीया बसजा: व्यवसाय लिसे संलग्नपिं खःसा व्यक्तलं नं थःपिनि पूर्खीया ज्यायात निरन्तरता बिया: हस्तकला क्षेत्रया विकास लिसें थीथी सामाजिक ज्याय् महत्वपूर्ण भूमिका मिता वयाच्वंगु दु। व्यक्तः ताप्राकार समाजय् निगू कार्यकाल अध्यक्ष जुया: समाजमार्फत यलया जातीय समाज, खलःपुच: दश्वुइ समन्वय याना: भाय्, संस्कृति संरक्षणया ज्याय् नं निरन्तर लगे जुयाच्वनादीम्ह खः।

आँखा पात्ने रोगबाट बच्ने उपाय

- आत्महत्या कुनैपनि समस्याको समाधान होइन,
- कुनैपनि समस्या र चुनौतीबाट नभागौं, डटेर सामना गरौं,
- सकारात्मक सोचको विकास गरौं, आशावादी बनौं,
- घर परिवार र आफूमा आश्रित सदस्यको भविष्यमाथी विचार पुऱ्याऔं,
- आत्मविश्वास बढाओं, समस्याको उचित समाधान पहिल्याउँ।



नेपाल सरकार
विज्ञापन बोर्ड

उपलब्ध हुने सामानहरू

प्याकिङ्ग मेल्सिल, प्याकिङ्ग मेटरियलहरू, विविध कैमिकलहरू तथा विविध औद्योगिक उपकरणहरू

क्षाकुन एकाइड्र लोरिज

मिल्क क्लिन

प्रिल्ड न्याउजन मेल्सिल बुल्लर

आरोग्य लिल एलाइट लेली लाप्टोपर नाईल

श्रेष्ठ ट्रेड मेडिया

श्री लाल भवन, १३ टक्केश्वर (छाउली जाते शिष्यमाति पुलसाटो), काठमाडौं। फोन: ८२५०६८८/९८५९०८८९५२
Email: laltc@wlink.com.np, lal265shrestha@gmail.com, laltc@hotmail.com
A House of Dairy Equipment & Chemicals
खला टेली उद्योग सञ्चालक गर्भ आवश्यक प्राविधिक तथा आर्थिक सञ्चालन

चित्रपटी नि शुलुक विकित्सालय (अस्पताल)

स्तरीय जुलम स्वास्थ्य सेवा सकारिया निति, अस्फायवा निति जि नि शुलुक

उपलब्ध सेवा

२४से घण्टा सेवा	शूल्यकिया
• इमरजेन्सी	• मांत्रिक
• व्यायोलोजी	• झरन संबंधी
• एक्स रे	• काक हाम घाँटी सम्बन्धी
• ई सी.जी	• दाहजोनी राम नाम सम्बन्धी
• औषधि पसल	• लिंग विकार लिल नामों परवर सम्बन्धी
• अन्तरग सेवा	• नहु रोग
	• एट रोग
	• यारोनोजी
	• स्त्री रोग
	• वाल रोग
	• बाल रोग
	• दान रोग
	• जन्म रोग
	• जन्म तथा यान रोग
	• नाक कान घाँटी रोग
	• जनरल हेल्प बेक जप
	• याइरोड्रिंग
	• मधुमेह

त्रित्रुति सेवा

- नहु रोग
- एट रोग
- यारोनोजी
- स्त्री रोग
- वाल रोग
- दान रोग
- जन्म रोग
- जन्म तथा यान रोग
- नाक कान घाँटी रोग
- जनरल हेल्प बेक जप
- याइरोड्रिंग
- मधुमेह

नेमेगु सेवा

- द्रेसिङ
- हुप्पोस्कोपी
- कोलोनोस्कोपी
- फिल्जियोवेरापी
- जन्मासाहपू, कमर ढुमर र इको
- युरोली सारको इन इयोग्यासान
- टिएच, एस्टर

**२४ घण्टा
ईमरजेन्सी सेवा**

७०८ गंगालाल मार्ग, चित्रपटी, काठमाडौं, फोन: ४२९६९९३८, ४२५७९९९९, ४२६६६६२९९